

bam heri denuo per expressum nuntium Regenfusium (is enim per aliquot milliaria ab urbe habitat) ut exemplar utriusvis editionis textus mihi traderet, quo illud ad te transmittere possem. Respondit vero is, se ipsum exemplaris transmissionem curaturum. Quoniam hæc transmissio admodum incerta¹⁾ est, ad interim Tibi jam transmittam reliquas plagas pertinentes ad illas, quas olim transmisi, vnde quidem completum ast minus (charta minori) splendidum exemplar, Titulo ære impresso et ornamentis initialibus (Vignetten) carens colligere poteris. Videtur, Regenfussium ægre tulisse, te citationem meo nomine addito posuisse in S. N. quoniam meum nomen in titulo locum non habet, sed tantum in præfatione. Sed qui poteras Tu hoc præscire, et qui poteram ego hoc monere? Num pictor quoque vult videri auctor denominationum? ego jam illud opus vix præ oculis ferre possum, et numquam mater infanticida suum partum ita perosa est, quam ego istum meum odi.

Dm. de Rohr vivit adhuc in insula St. Crucis, antillarum. Septies febrem passus et quinquies per Brownium, qui ibidem habitat, curatus est. Ipsam febrem Siamicam (mal de Siam) expertus est, pessimam inter omnes. Jam vegetius valet. Officium vero suum, est enim regius ibi Geometra, et debilitatio per morbos magno ipsi fuit obstaculo in historia naturali colligenda. Vt vero verum fatear, maximo ipsi semper fuit et erit obstaculo penuria. Salario 300 imperial: levioris argenti fruitur, quod ibi vix sufficit ad domicilii mercedem solvendam, et nisi is Gubernatoris mensa vel aliena saltem frui potest, panem siccum comedere cogitur, id quod semper fit, si is, excursionem quadam herbatim aut insectatim facta, non justo tempore domum redit. Sæpius is domum attulit e. g. Eremitam sesquipedalis longitudinis, pisces insolitos vel rariores, aves p. p. ad eos conservandos. Sed fame coactus eosdem ollæ immittere debuit, et ventriculo

¹⁾ Indtil dette Sted foreligger Brevet kun i Copi; Grunden til at den første Deel af det originale Brev savnes, fremgaaer af Brevets Slutning.